



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





Digitized by Google

3837

2/2

ՄԻՇՐԱՆ ԻՍԳԻՐԵԱՆ

ԽՈՒՑԷՍ ԴՈՒՐՍ ՊԱՏԿԵՐՆԵՐ

ՈՒԽՏԱԳՆԱՑՈՒԹԻՒՆ ՄԸ

Ո՛ր տալիս ինձ գծուի՛ն ծխանի եւ
զփռաւոտն նաւասարդի, զվազելն
եղանց եւ զվազելն եղջերուաց, մեք
փող հարուա՛մ եւ քմբկի հարկա-
նեա՛մ:

ՄԱԿԻՍ. ԵՐԴ ՎԻՊԱՆ.

Կ. ՊՈԼԻՍ

1901

ՅԱՍԳՐ. Ն. Կ. ՊԵՐՊԵՐԵԱՆ ԵՒ ՈՐԴԻ

UNIVERSITY OF MICHIGAN LIBRARIES



ممارى نظارت جليله سنك فى ٥ جموز ٣٢٠ تاريخلو و ٤٥٢ نومبرولى
رخصتنامه سيله طبع اولمهدر .


Արևեսու Լեյքում

ՄԻՂՐԱՆ ԻՍՊԻՐԵԱՆ

ԽՈՒՑԷՍ ԴՈՒՐՍ ՊԱՏԿԵՐՆԵՐ

ՈՒԻՏԱԳՆԱՑՈՒԹԻՒՆ ՄԷ

Հատցես ծանոթ



Ո՛ր տալիս ինձ զծուխ ծխանի եւ
զառաւօսն նաւասարդի, զվազելն
եզանց եւ զվազելն եղջերուաց, մեք
փող հարուստ եւ բմբկի հաւկա-
նէաք:

ՄԱԳԻՍՏ. ԵՐԳ ՎԻՊԱՆ.



Կ. ՊՈՒՆՈՒՄ
ՏՊԱԳՐ. Ն. Կ. ՊԵՐՊԵՐԵԱՆ ԵՒ ՈՐԴԻ

1904

GRHD.

WREN.

866

2614

866

WREN.

866

2614

866

2614

866

GRAB
EDEN
844
61.10.99



ՍՐՏԱՅՕՆ

ՎՍԵՄԱՇՈՒՔ

ՅԱԿՈԲ ԷՖ. ՇԱՀԻՆԵԱՆԻ

ՅԻՇԱՏԱԿԻՆ

ՀԵՂԽԱԿԷՆ



ԵՐԿՈՒ ԽՕՍՔ



սիկա ուխտագնացութեան առիթով
գրուած յօդուածներու շարք մըն
է, հրատարակուած «Սուրհանդակ»ի
մէջ, որուն Պատ. Խմբագրութիւնը՝
բարեհաճեցաւ հրապարակով ինծի
ուղղելու քանի մը քաջալերական տողեր, որոնցմով,
ահա՛, կը համարժակիմ «Պատկերներ»ուս կուրծքը
զարդարել:

«Ընթերցողներու մասնաւոր ուշադրութեանը կը
«յանձնենք յետագայ գրութիւնը, երրորդը եւ վերջինը
«Սըվազի մեր Թղթակից-աշխատակից Մ. Իսպիրեան
«էֆ.ի սիրուն «Պատկերներ»ուն: Ասոնց առաջինը
«բաւական առաջ հրատարակուեցաւ. երկրորդն
«ալ որ դեռ անցեալ շաբթու երեւցաւ «Սուրհան-
«դակ»ի մէջ, կը նկարագրէր գիւղական բարքեր
«ու տեսարաններ, եւ կը յուզէր ընկերային շատ
«կարեւոր եւ կնճռաւ խնդիր մը՝ գիւղական ընտա-
«նեկան բարքերու ինկածութիւնը: Այս երրորդ
«գրութիւնն ալ նոյնքան — եւ աւելի ա՛լ — շա-
«հագրգռական է, ո՛չ միայն անոր համար որ իր
«գծած պատկերները հոգեկան անուշ բան մը ու-
«նին իրենց մէջ, կամ անոր համար որ Վարդա-
«վառի Տօնախմբութիւնը կը նկարագրուի գիւղա-

« կան վանքի մը մէջ ու շուրջը, այլ եւ անոր հա-
 « մար որ իր դիտող աչքերով ու հետախուզող մտքով
 « մեր աշխատակիցը կրցած է բանասիրական տե-
 « սակէտով ալ շատ կարեւոր ընծայել զայն, ժողո-
 « վրդային կարգ մը հաւատալիքներու եւ քրիստո-
 « նէական զանազան տօնակատարութիւններու ,
 « ինչպէս նաեւ վանքերու եւ դաշտերու մէջ ցըր-
 « ուած աւանդութիւններու, լուսադրիւններու, խաչ-
 « քարերու, եւլն. մէջ ցուցնելով հետքերը մեր հին
 « հաւատքին » :

1904 Մարտ 1
 ՍԸՎԱԶ

Ք. Կ. Կ. Կ.



ԽՈՒՑԷՍ ԴՈՒՐՍ

ՊԱՏԿԵՐՆԵՐ

Ա.



այ ու մաշ մարմինիս ազդու կազդոյր մը տալու համար, աշխատանքի խուցս պահիկ մը թողուլ կ'որոշեմ: Ու կը սպասեմ որ կրակոտ արեւը՝ իր ասղնտող շողերը ժողվէ՛ Արդէն, սա՛ վարդոտ արերուն, գիշերուան ճամբորդութիւնը՝ գինով հոգիներու հմայքոտ երա՛զ, չըլլա՞ր: Ետինք է հիմայ: Համով համբոյր մը Արշալոյսիս թերխաշ այտելէն, ու կառքին մէջն եմ:

Անիւնները կը թաւալին ալիւրոտ

ճամբու մը ճերմակ կուրծքին վրայ, որուն երկու դին, մաքուր մարգերուն ծոցը, կանաչորակ թաւիչ մը կը փռուի: Ու նիհար ծառերուն գիրկէն, ուր տենդոտ տերեւները կը հեւա՛ն, գիրգ զեփիւռին մեղմիկ գգուանգը՝ անուշ զովութիւն մը կը բերէ հուրքո՛տ ճակտիս: Աշխէտ ձիերու անզուսպ զոյդը առջեւիս յատակ գետակը կը կոխկուտէ, որուն կակուղիկ սիրտը՝ սպիտակ կ'արիւնի՝ Դէմն ենք հիմա: Ներքին զգացումէ մը մղուած, ետիս կը դառնա՛մ: Անկիւնի մը մկրատին միջեւ, ա՛լ կը հալի՛քաղաքը, որուն մորջ նոճիները՝ վճիտ ճիւղերնին կը ճօճեն, ջինջ միջոցին մէջ:

Տափարակ դաշտերու մէջ կը մխրճինք, ուր կամշոտ հովերու յուզուն հոսանքին առջեւ, ծալ ծալ կը ծփայ գանգրադեղ ցորեններու լայն փռուածքը, ուրկէ, երգը կտուցնուն ծայրը, երբեմն, զուարթ արտայտներ ու կլորիկ լորիներ կը ցատկեն, թերեւս տեղ փոխելու համար: Մինիւնիկ թիթեռնիկներն իրենց ծաղկէ պատմուճանը, ու մեզրոտ մեղուններն իրենց ոսկի գրահը կը շողացնեն տաքուկ արեւին ճաճանչներուն տակ, տա՛ գաշտերուն մէջ, որոնց գորշորակ պատառին վրայ, նարմա՛նազան ծաղիկներ գինեւէտ բաժակնին կը շարժեն, ու բիւրազան խոտեր՝ հիւթեղ

Թերթերնին կը թրթռացնեն, վառվառն
թոյրերու և խաւնկոտ քոյրերու հեշտ խռո-
ղանքէն արըշի՛ւ, մեռաքսէ անուրջի՛ մը
մէջ. անուշիկ մրափ մը կ'առնեմ, ուր ճռ-
ռողելով գիրկս կը նետուի Արշա՛ւ :

Ու ... կառապանիս մեզմ' ձայնը կ'ար-
թընցնէ իս :

Կառքը կեցած է աղուոր աղբիւրի մը
քովիկը, ուր իր զով հովանին կը պտըտցնէ
վարսագեղ ծառ մը, որուն հաւքաշին չոր
ոստերուն մէջանդ, փարաշխարհիկ արագիլը
բոյն դրած է, ուրկէ, ահա', իր լայն թե-
ւերուն աղտոտ ճերմակը պարզած, ու վտիտ
սրունքներուն կարմիր կարկինը զսպանակած
բաղաճայն կափկափ մը կը նետէ օգին մէջ:
Աղբիւրին դէմը, ճամբէն դուրս, մօրուք-
նին տնկած սայլերու կլոր շուքերուն տակ,
գետինը ինկած կը խռկան գեղջուկ լաներ,
որոնց արթուն հասուկ ընկերները մածուն
կը տրորեն, Կաղանկայտուացիին պատմա-
ծին նմանող, փայտէ խոշոր ամաններու
մէջ, ուր կը լեցնեն փշրուած ռօքերու դէզը,
ու ժողվուելով՝ կը դգալեն անանկ աշխու-
ժով ու ախորժակով, որ ... երթալ մաս-
նակցի՛լդ կուգայ: Կ'ուտեն կուշտ ու կուռ,
ու զուլալ ջուրը կը խմեն կո՛ւլտ կո՛ւլտ:
Երնէ՛կ իրենց: Ե՛ս ալ, ասդին, գորգի մը
վրայ փռուկ, կռնակս ծառին տուած կը

ճաշեմ կառապանիս հետ, ու...երկու դաւաթ
 փօնեակ կ'առնեմ, ախորժակս արելի՛ւ համար։
 Նորէն ճամբայ կ'ելլենք։ Ասահեղ, Ալիսի
 ամփափայ ամիերը կը քերենք, որոնց վարօքը
 ծանծաղուտին մէջ խրած ջրի փայտեր կ'ա-
 րեւտան, յորդումի մը սպասումին մէջ յոգ-
 նած։ Երբեմնի փղձկած Ալիսը չէ ասի։ Եր-
 կու կողմերը, լայնածաւալ դաշտերու գորշ
 գետինը կը կէտկիտեն դեղափունջ ծառերով
 չըջանակուած շարք մը գեղեր, որոնք Թէ-
 ճէրի յաղթ շղթային պրկումին մէջ, լայն
 մը կը պառկին։ Կ'անցնինք հոյակապ կա-
 մուրջէ մը, որուն վրայէն դարեր անցեր ու
 հնութեան կնիքը դրոշմեր են։ Բլուրներու
 ստուար ստուերները հովանոց բռնած՝ կ'ա-
 ռաջանանք։ Դեղնած արեւն իր ոսկի փոշինե-
 րով կը լուայ հեռուի լերկ լեռներուն առլեփ
 ալիքները, որոնք, անուշ մշուշի մը մէջէն,
 կը տժգունին, և որոնց վերեւ, մրկաբեր
 ամպերն ալ կը ստեղծեն ահագին լեռնա-
 նման կոհակներ, կապոյտ անուրջի մը կա-
 պուտորակ գոյներովը ներկուն։

Բլուրէ մը վեր կը շուլլուինք։ Բերնիս
 անկիւնը կը միայ սիկառա, որուն բրգածեւ
 գորշ ծուխերուն հետ, երեւակայութիւնս
 կը ճախրէ հո'ն, ուր մինինիկ կենդանի-
 ներ կը թրթռան, կը բզզան, կը շաղակ-
 լատեն։ Հո'ն, ուր այծերը ծոթորը կը ճա-

բակեն ու գառները՝ թրթնջո՛ւկը . հոն , ուր
 թռչնիկները կը ճռռո՛ղեն , կը գեղդե՛ղեն ,
 կը դայլայլե՛ն . հո՛ն , ուր մատաղ հօտաղ-
 ները՝ իրենց օիրուն սրինգներուն աուր օար-
 օուռները կը սաւառնեցնե՛ն սարէ տար . հո՛ն
 ուր ծաղիկները՝ իրենց հալուէին շնորհը ,
 հեղիքերը՝ իրենց թոյրերուն փայլը , հովերը՝
 իրենց սիւգերուն անուշութիւնը , աղբիւր-
 ները՝ իրենց ջուրերուն զովութիւնը , արեւը
 իր շողերուն ճաճանշումը , ու հողերը՝ իրենց
 կուրծքի մեղրատ կա՛թը կը նուիրեն , առ-
 ա՛նց փոխարէն՝ բան մը պահանջելու : Աս
 մտրակուած մտածումներուն պլլուած , Յսիս
 մոռացումին մէջ , երանոտ ըռպէներու յա-
 ւիտենութի՛ւնը կը վայելեմ կուշտ մը :





առքիս զոյգ մը աշխոյժ աշխատ ձիերը՝ շունչ կ'առնեն սարահարթին վրայ, ուր տեսքոտ նոր տեսարան մը՝ իր թովա՞նքը կը պտըտցնէ եռ ու եփ երակներուս մէջ, Հըսկայ վարդէ վերջալոյս մը՝ իր բիւր թերթեքուն մեղանուշ կարմրութիւնը կը կաթեցնէ եւ կակաշի գոյներով ամպերու ժապաւէններ կ'երկարին օդին մէջ։ Լոյս ու ստուեր կը գրկուի՞ն։ Բնութեան յաւերժահարսը՝ տիեզերական առագայտը կը մտնէ։ Հիացումի մէջ թաթխուած, վայրիկ մը կ'ըմբռնանեմ ատ մարմնացած վսեմը, զոր՝ ամենազօր վրձինովը կը դեզերփնէ Իսեա՛լ արքիսքը։ Շուրջիս ձայները կը մեռնին։ Բոյսերու խոսուըռտո՞ւքը կը սկսի։ Աղջամուղջը ողողած է ամէն բան։ Սեւ Անհունը կը քնանայ գիշերուան սե՛ւ համբոյրին տակ։

Տա՛ խաժագեղ անբաւութեան մէջէն, ար-
ծաթ ծիծաղներ կը մաղուին վար, որոնք
կը գինովցնեն իս : Ու հոգիս, ուժգին սլաց-
քով մը, կը սաւառնի սարերու վրայէն,
ամպերէն անդին, մթնոլորտէն վե՛ր, երազ-
ներ՝ ծծելու անհունութեան ճակատի ադա-
մանդէ զարդերէն, անուրջ լուսնկայէն՝ որ
տիեզերքի հառաչներուն փրփո՛ւրն է, փաղ-
փուն ծիրկաթինէն՝ որ մանկութեան մը ան-
հետացած երազներու հե՛տքն է, ծաւիկա-
պոյտէն՝ որ թափանցուած գաղտնիքին վա-
րագո՛յրն է ... : Հոգիս, ատ ադամանդելոյզ
լոյսերը կուշտ մը ըմպելէ ետքը, կ'իջնէ վար
գիշերո՛ւան գիրկը, պատրանքներուն պա-
տանքի՛ն մէջ :


Ձիերուն խրխնջիւնը լոութիւնը կը խզէ
վար կ'իջնեմ : Ճամբան կ'երկճղի : Մէկը
Տուզլան կը տանի, միւսը՝ Տուզասար : Աս
վերջինին կ'ուղղուինք : Ծանօթ դերբուկ
կիրճէ մը դարձար պիտի իջնենք : Կառա-
պանս առջեւէն կ'առաջանայ : Ու ես, լու-
սընկային մետաքսէ շղարշի մը փրփուրնե-
րէն մաղուող նուաղուն ցոլքերէն գոյացած
ստուերիս հետ, կը քալեմ կառքին ետե-
ւէն : Քառորդ մը կը տեւէ վայրէջքը : Կառքը
կը նետուիմ : Ու դարձեալ, խոկումներու
մետաքսէ ցանցի՛ն մէջն եմ : Հիմակ ալ միտքս
կ'ործնայ Լոյսի ու Սոսերի խրտեցուցի՛չ

խնդիրը։ Այդ առջեւ կը ցցուին բնութեան հակապատկերները՝ լուսազեղ ցարեկէ՛ն ու սեւահեր գիշերը, փարդոտ արմատն ու ձիւնոտ ձմեռը, գարնայնի թերիշտիկ ուօգտներն ու լաշնայնի նռնազուն իրիկունքները, բնական զուգորդութեամբ, կը ներկայանան նսեւ կեանքի հակասութիւնները՝ երջանկութի՛ւն ու թշուառութի՛ւն, հարստութիւն ու աղքատութի՛ւն, առողջութի՛ւն ու հիւանդութի՛ւն, որոնց զանազան ապաւորութիւնները, ճառագայթներու և ամպեղու տէս, մեր հոգիի վրայէն անցնելով, կը սորվեցնեն եքանութեան պատրո՞ղ հրապոյրը, ու թըշուառութեան դժնէ՛ ճաշակը, ուրախութեան պաշտամունքը՝ որ կեանքի տա՛ցքն է, ու տառապանքի կրօնքը՝ որ դարձա՛նն է մահուան դէմ, ինչպէս կը հրաշագրէ Կասթան Ծիչան։ Լոյսի ու սքողերի մելանսը խառնուրդը, զոր, այսօր, հանգիստ մը գնդալեցի, պերճօրէն կը հալլիւցնէ արեւելեական ներդաշնակութեան ու համեմաշխութեան խորո՞ւնկ հաւատքը, Կեանքն ալ տրցունքի՛ ու ծախաի՛ բազադրութիւնը։ Ի՞նչ արդէն ... :

Աս մասնաւորութեան հետ... կատաղանալի ձորի մը դարձդարձիկ շաւիղներին, որոնց վերջակէտն է Տուգասարս Կճաւ հետեւը մը կը կենն արեւդեհս։ Սիկաթ մը կը կտակէ՛ :

Մուրթին մէջ կա'յծն անդամ հրապուրիչ բան
մը ունի։ Ահա՛ գեղէն ալ պնտուն լոյսեր
աչքերնին կը քթթեն։ Ուրեմն մօտիկ ենք։
Շուներուն կաղ կաղկանձը՝ օդը կը պարտէ։
Կառքը կը կենայ աղբիւքի վրէժայտէ ճիւ-
ծած կուրծքին քովիցը։ Սպաւեթ մը կը մե-
տենայ։ Գզի՛րն է։ Ցանաէրիս անունը կու-
տամ։ Կ'առաջնորդէ։ Հսկայ դուռի մը պը-
ջեւը կը հասնինք։ Երկու հարուած՝ չռա'նիս,
ու դուռը կռնակին վրայ կը ճռնչէ։ Ճրագի
մը կտուցը կը բռնկցնեն։ Յունը թռչնո-
կ'ելլէ։ Պալլիկները, իրենց անգնէն ելլե-
լով, պաշարած են իս։ Յնախը ճարճաբոյ
կը սկսի, որ որովայնիս ծառայութիւն
մը ընէ։ Կը լուացուիմ աղուո՛ր մը։ Ու գի-
րուկ լէհլիի մը վրայ փռուած, ա'լ կը հան-
գատանամ, խօսելով ու խօսեցնելով։ Մօտիկ
աղգականներուս տունն եմ։





Աքաղաղներու աղաղակը կ'արթընցնէ իս խաղաղ քունէս : Աչքերս կը բանաւ : Լայնփոր տունը երազոտ երև յթ մը առեր է : Աղօտ ճըրագի մը հեւքոտ ցոլքերը, մութին ջնդիկ ստուերներուն մէջ կը խաղան, ուր մթններու ծոցը, դեռ կը խռկան պտըլիկները : Դէմը, ճերմակ կոնի մը վարի լայն պատռուածքէն, կը տեսնեմ որ գետնէն բոցեր կը վերնան, որոնց վրայ ջուր կը ցրցքնէ կտրիճ կին մը : Թոնի՛ր կը վառեն, որուն երկու քովերը, ալիւրոտ վալաներ փռուած էին : Մէկուն վրայ կը պառկին խմորի դունտեր, զտրոնք բարակ մը կը բանան խորոտիկ հարսները, աղուորիկ աղջիկներն ալ կը շարեն մէկալ վալային վրայ, ուրկէ կ'առնէ քիվեցին, ու րափաթային վրայ դնելով՝ կը փակցնէ թոնիւրին կողերուն : Լավաշ կ'եփեն : Ա'լ կ'ելլեմ տեղնէս : Տունին մէջտեղը, քարէ ջահքին վրայ,

կը լուսացուիմ: Վերեւիս երգիպանակէն՝ բարի լոյսը կը ժպտի՝, կը հագուիմ լման մը: Դե-
փուրի վրայ նախաճաշ կը բերեն: Խունկստ
ծաղիկներու և ծաղկոտ խոտերու մեղրովը
համեմուած կաթը կը խմեմ, ու հակառակ
առսուկները բան մը չուտելու սովորոյթիս,
կը լոմլոմեմ առքոյք շոթերու մէջ: պլոր-
ուած շաքարոտ կարագը, հոգիս երագի ե-
րանաւէտ փթթումովը լեցուած դուրս-կ'ել-
լեմ:

Նեղ ձորի մը մէջ, Սվազի Աշտ գիւղը՝
վիթի գլուխը բարձունքի մը դրած, կ'եր-
կընցնէ իր վիթխարի սրունքները: Կուշտե-
րէն կը տնկուին ցից լեռներ. որոնց կողե-
րէն վար կը սաՀին, կարծես, մեծղի տու-
ները, գորոնք երկուքի կը կիսէ ծանծաղ
գետակ մը: Աչք մը կը դարձնեմ շուրջս:
Երեք կողմերէ հորիզոնը կտրուած է: Բայց
բաց է առջեւ: Ու հեռուն, ջինջ ճերմկու-
թիւններու մէջ, ծիրանի լեռները, դեռ,
գիշերուան երագին վրայ կը խոլա՛ն: Տու-
ներուն ճիշտ մէջտեղուանքը, չքեղ շէնք մը
կը ժպտի: Վեհաշուք տեսք մը ունի: Գեղին
սպիտակ հոգի՛ն է, կարծես: Իրեն կ'ուղ-
ղուիմ: Նեղկուկ փողոցները՝ դարվար, կը
փորուին, կամ դարվեր կը կորին: Կամուրջէ
մը կ'անցնիմ: Մէկդիս, իւր քարաշէն պա-
տերը կէս մը տնկած, կը սպասէ անշուք

գլխորդը, աւ մէկալ գլխ, պզտիկ մը կը բաց-
 արի հայտկարէ ժամուն երկաթ գուռը, ուրկէ
 Զեքա կը մտնեմ: Ծերունիները կ'ազօթեն
 պղերտա շէշանքով. աւ պզտիկները փոխ
 կ'ըսեն, փողի հնչուն ձայնով: Սիւնի մը
 քովիցը կծկաած, ես ալ կ'ազօթեմ:

Գեղէն գաւրս կ'ելլեմ, խոհերսու սև բե-
 հեղէ կծիկը՝ հեծիկս: Կը կոխտեմ խոտեր,
 որոնք գինովցնող խունկ մը կը բուռվարեն
 ինծի: Մտիկ կ'ընեմ թռչնիկներուն, որոնք
 ետք մը կուլան: Ռաքերս կը թրջին բոյ-
 սերուն մէջ, որոնց վրայ ցուացող ցօղերը՝
 ճագարներու միակ ջուրն է: Ու կը զովա-
 նեմ, դաշտերու պարզունակ անմեղութեան
 մէջ, արեւուն կեանքոտ ճառագայթումին
 տակ, արեգեքական լայնութեան առջև:
 Կը նստիմ ծերունի ծառի մը գոս կոճղին
 վրայ, որուն վերօքը, աղբիւրի ճերմակ
 կուրծքի զոյգ մը ստինքներէն կաթնահամ
 ջուր մը կը ծորի: Ու, գէմէն, մարգերու եղ-
 ետքին պէս սպիտակ, լեռներու եղնիկին պէս
 սկզազեղ, արշալոյսի բոցերուն պէս վարդա-
 վառ, ու պուրակներու նօճիներուն պէս գե-
 ղուղե՛շ աղջիկներ, խո՛ւմբ խո՛ւմբ սափոր-
 ները ուտերնուն, ջո՛ւրք կուգան: Արեւելքի
 վհիտ, նիւթազեղ, ու գինովցնող բանաս-
 տեղծութեան աղբիւրիցերը չե՞ն աս ազուոր-
 ները: Հուսա՛, քրոջ ու նիքոջ մտերմութիւնս

ներ կը փոխանակուին : Հունա՛, ծածուկ սէ-
րեր ու հէքեաթներ կը պատմուին : Նշանաու-
քի գովքը կը լսուի : Նա՛ տեղ :

Միտքս կեդրոնախուսած է ա՛լ : Գեղի
կիներուն վրայ կը մտածեմ : Բա՛յց..... :





այց, հուսա՛, նեղկուկ փա-
կադժի մը մէջ զգացումը
թոյլ պիտի տա՞յ, որ մտա-
ծումներս, իրենց բովանդակ
անկեղծութիւնով, անկախո-
րէն ներկայացնեմ։ Ի՛նչ որ
ալ ըլլայ, պիտի ըսէի թէ,
գեղի հայ կիներ ինկած է ա՛լ,
Ժամանակագրութիւնը դե-
րազանցապէս պարկեց կը ներկայացնէ զինք։
Ատիկայ ամէն կասկածէ վեր է։ Բազդատա-
կան Դիցարանութիւնը ցոյց կուտայ որ Հայ
կինը, հեթանոսական օրերուն, օտար ազգե-
րու իգական սեռէն շատ աւելի շիկնող էր։
Քրիստոնէութեան մէջ ալ չեչտուեցաւ իր
զգասութիւնը։ Մօտաւորապէս, եթէ չեմ

սխալիր, ԺԹ. դարու մէջ փնտռելու է իր անկումին պատճառները, զորոնք, առանց ետեւառաջութեան ուշ դնելու, կը խաղ-խըղեմ ահա՛:

Գիւղերուն մէջ, օրոցքէն իսկ կը նշանեն պղտիկները, որոնք, պորտերնուն շորը հա-զիւ նետած, սխալ հասկացուած սէրի մը ետեւէն կը վազեն: Ասկէ է որ կանխահաս ամուսնութիւնները շատ կ'ըլլան, ի՛նչ որ աւերի՛չ ու անբարոյացուցի՛չ է: Ու, շատ հեղ, ծնողքները, իրենց յիմար յամառումին մէջ, տարիքի տարբերութեանց ալ ականջ չեն կախեր: Հետեւապէս, իր բնախօսական պէտքը չգոհացուած ատեն, ուրիշի մը բազուկներուն մէջ փնտռել կը փորձուի ան-փորձ կինը: Պզտիկ հասակի մէջ կնքուած ամուսնութիւնները պարտքերու դուռ կը բանան, որուն համար, տղայ մարդը կը ստիպուի պանդխտութեան դիմել, մինչդեռ, ասդին, հարուստ մարմնով զօրեղ կինը՝ չը դիմանալով կիրքի զօրաւոր ձայնին, կա-խա՛րդ վայելքին գի՛րկը կը նետուի: Վատ սովորութիւն մըն ալ ընդհանրացած է. ամուսնութիւննին դեռ մուկերը չլսած, կը զատուի՛ն: Ու տունին առանձնութեանը մէջ, փորձառու աչքի մը հսկողութենէն ազատ, ծաղկատի կիներ կը վաճառէ իր պատիւը՝ ամբ մը հիմայի, հիւսք մը հիլունի, ներկուն հա-

յեղի մը : Կամ լեռք մը հինավր դինո՞սը
շատ անգամ : Հաստ մըն ալ որ, քաղցի մե-
տային հեռակեղծով, կարեւորութիւն չի տաք
Խաւսախին, մուկջելուն, ծածկուելուն, մէկ
խաւքով զգոճեալքանք մէկգի դրած է, որով
կնճրսին համար, գիւրացած է զինք ձեռք
բերելու միջոցը : Աս բաղորին վրայ առելցը-
նելու է, մանաւանդ զգոսփառակութեան պա-
կուցի՝ չ պակասը, որ գեղի կնիկին կորսուե-
լուն գլխաւոր պատճառներէն մէկն է : Բնա-
կան է խորհիլ թէ, ժամանակի ու քարքի
ընդհանուր փոփոխութիւնն ալ գեր ունե-
ցած է աս գործին մէջ : Պիտի քարկոծե՞ն իս-
տրգեօք, « Արգիլուած պտուղի հունձքը՝
ամուսնական մաքուր անկողնի հունձքէն ա-
ռատ է », երբ ըսեմ, ինծի ծանօթ քանի
մը գիւղերու մէջ գէթ : Բացառութիւնը յա-
ւէտ յարգելի է :

Պատասխանատուութեան, մանաւանդ
պարտականութեան մեծկակ բաժին մը կը
ծանրանայ Առաջնորդարաններու վրայ, ո-
րոնց պզտիկ թելադրութիւններ մը կ'ուզ-
դեմ՝ թէ որ ընդհանին գեղի կնկան ինկա-
ժութիւնը դարմանելու համար :

Պէտք է որ քանիքուն փորձառու և պար-
կեշտ վարդապետ մը քեզերը չըլի՝ համոզ-
կեր խօսքերով, ու զարդ քարոզներով բա-
րպականի սկզբունքները սերմանելու : Ժա-

մանակի մը համար գէթ Մեր հին եկեղեցական պատմութեան մէջ կրնանք ցոյց տալ այս մասին օրինակներ։ Հիմա պաղիի համար գեղերը կը ցիշուին, այո՛ւ։ Բազաքի Ուսումնական Խորհուրդը տառնձնելու է գեղերու գործընկերուն իրութեան հոգածութիւնը։ Գեղացիները սիրով կը վճարեն ծախքը։ Ասով կարելի պիտի ըլլայ կտանքին միջավայրին պատշաճ կրթութիւն մը տալ երկսեռ մանկութեան, ծանօթութիւններ աւանդելով բնութեան երեւոյթներուն ու երկրագործական արհեստներուն վրայ։ Մանաւանդ բարոյական առողջ դաստիարակութեան մը հիմքը գրուած պիտի ըլլայ։ Արգիլելու են կանխահաս տնտեսութիւնները, օրոցքի մէջ նշանելու դրութիւնը, տարիքի ու կազմուածքի անյարմարութիւնները, ապագայ անտեղութիւններու առաջին առնելու համար։ Ու, մինչեւ որ մէկ երկու զաւակի տէր չըլլայ կին մը, թողելու չէ որ զատուի, մանաւանդ երիտասարդին իմացընելու է առոր անպատեհութիւնները, զգուշացնելու համար, որ կնկանը խօսքին ու խորհուրդին չհետեւի, ի՛նչ որ ի՛ր իսկ պատիւը կը պահանջէ։ Մէկ մըն ալ պանդըրտութեան դաղափարը արմատախիլ ընելու է գեղացիին միտքէն։ Ընտանիքներ կը յայքայուին ու կ'անբարոյանան առոր երեսէն։

Վերջապէս, հիմնական բարեշրջութեան մը համար, հարկ անհրաժեշտ է, որ, գլխաւոր նահանգներու մէջ, ընծայարաններ բացուին, գիւղերու մոռցուած համայնքին՝ ուսեալ, պարկեշտ, խօսող ու անձնուէր քահանաներ տալու համար։ Ատիկա գրամով կ'ըլլայ, պիտի ըսեն։ — Վանքերու եկամուտները ասկէ աղէկ նպատակի պիտի ծառայեցնէին, կը պատասխանեմ։ Իմ խոնարհ կարծիքս է՝ ասիկա։





ա՛ տխուր մտածումները կը
 պտուտկին գանկիս եփ ե-
 լած պտուկին մէջ, երբ ըզ-
 գացի թէ, արեւուն կրակոտ
 ճառագայթները՝ ճակատս
 տյրե՛ր են։ Ազէկ որ ազ-
 բիւրը քովիկս է։ Զով շուրը
 հո՛ւրքը կ'առնէ։ Տուն կը
 դառնամ։ Ո՛րչափ սպասեր են։ Սեղանը կը
 դրուի։ Նահապետական ընտանիքը շուրջս
 է։ Շատուորով հաց ուտելը ի՞նչ զուարճալի
 է։ Քովիս նոր հարսը՝ հինգիս պատ կը քաշէ
 իմ դին։ Դէմիս պզտիկը կը թզկայ։ Նանին
 հին օրե՛րը կը յիշէ։ Սեւաչուի աղջնակ մը
 կը թախանձէ, որ զինք հիւր տանիմ մեզի։
 Համադամ կերակուրներու տեսքէն, ու սա
 տեսարաններու համէն կշտացած, պարզուկ
 թիկնաթոռի մը գիրկը կը նետուիմ։ ուրկէ
 կը սկսիմ... պատառնին համրել։ Ծիծաղե-
 լով գլուխնին կը փարտեն։ Սեղանը վեր-

նալէ վերջ, համեղ ու անմեղ ասուլիսներով կարօտնիս կ'առնէնք: Ապա՝ իրիկուան դէմ, կ'ուղղուիմ դէպ ի Տուզլա, անկէ ալ վանքը երթալու համար:

Երեք դիէն հսկայ լեռներէ պրկուած խորունկ ձորի մը մէջ կը պառկի Աղծոզը⁽¹⁾, որուն առաջը միայն բաց է, ուրկէ ներս կը մտնեմ: Ձախ կողմը, փառաւոր չէնք մը կը բարձրանայ: Ատոր դէմք, աղահայքի բերնէն, յարդգողի ձերմակ ճամբայ մը կ'երկնայ դարվար: Հարթ գետնին վրայ, առ լո պաստրէ լայն լանջերնին բացած, տառնեակ մը աղջուրի աւազաններ կ'արեւոտեն: Դիչուկ մը վերօք, նիհար շուքերնին կ'երերցնեն պրակ մը վտիտ ծառեր, որոնց ետեւն ի վար, աղեղնաձեւ տարածութեան մը վրայ, բանջարեղէնի պարտէզ մը կը տնտեսի: Շուրջի լեռները՝ կանանչ, կարմիր, կապոյտ ու գորշ գոյներով խատուտիկ լաթեր հագած են: Ուրիշ աղծով մըն ալ կայ: Հինգ րոպէ անդին, ծանծաղ ձորակի մը ծոցը: Ան երկուքէն տարին 250,000 քիլոկրամ աղ կ'ելլէ: Առանց երկրաբան ըլլալու, պիտի ըսէի թէ, հոս ժամանակին մեծատաքած ծով մը ապրած է: Պահիկ մը: Բոլոր ասոնք դիտելէ ետքը, չէնքին կը մտնեմ: Ու դուռին առջեւ, ձեռքը կը սեղ-

(1) Թուզլայի տեղական անուանք:

մեմ բարեկամիս, Edouard Sabotին (1), վեր կ'ելլենք: Ժամ մը հոս կը մնամ: Եւ երբ ըսեմ թէ Պարլէքի թախժոյ, հիւանդկախ, ու սկեպտիկ տողերն ու տաղերը չափեցինք, հակասական չըլլա՞ր, սա՛ դուք թէ վայրերու ծոցը, կեանքոտ օգին մէջ, վճիտ լոյսերու յորդուսի ներքեւ: Հրածեշտ կ'առնեմ: Հեռիտան եկած էի՝ ձիաւորուած կը մեկնիմ: Ու ցից լեռներու օձիկ շաւիղներու մէջ, հինգ բոպէ, ձիս թափոր դառնալէ վերջ, ա՛լ կը հասնիմ վանք:

Միաւոր թիւերու շրջանին մէջ շինուած է, Ս. Հրեշտակապետ(2), որ Սվազի թեմին է՛ն հարուստ վանքն է. հողի տեսակէտով: Ունի նաև 23 կտոր հայերէն հին ձեռագիրներ (3): Ասոր շրջապատին մօտ, Խաչբլուր ըսուած գերեզմաննոցէն, 1871ին, Սրբոց Գոհարինեանց ոսկորները գտնուեցան արկղաձեւ շարուածքի մը մէջ տեղաւորուած. վրան քսան հարիւրորդամեդր մեծութեամբ սպիտակ քարէ խուփով մը, ողեւտեւերես, գլխազիր տառերով արձանագրութիւններ կը կրէր:

(1) Ingenieur-inspecteur des Salines:.

(2) Տրդատ եպիսկոպոս Գալեան:

(3) Վարդապետի մը կողմէ հեղինակուած

անտիպ սիրային քերթուածներու հաւաքածու մը կարճ մըս ամփամ չտեսայ:

(Երեսինը)

ՈՐ ԿԱՏԱՐՆԵՑԱՆ ՎԱՍԵ ՔՐԻՍՏՈՍԻ ՌԱՏԻԿՈՍ

ԳՈՀԱՐԻՆԷ ՏԵԿԻԿ ԵՒ ԵԱՄԻԴԷՍ

(Ետեւինը)

ԵԴԱՆ ՅԱՅՍ ՏԵՂԻՈՋ Ի ՋԵՌԵ Ս. ՎԱՐԴԱՊԵՏԻ

ԲԱՐՍԷԻ ԹՈՒԱ. ՈԼՋ.

Ձորս հարիւր տարի առաջ նորոգուած է Դերջանցի Մալաքիա վարդապետի ջանքով: Մեր օրերուն, Զառացի Մովսէս վարդապետը, որ աշխոյժ ու աշխատասէր եկեղեցական մըն է, մասնական նորոգումներ ընելով՝ չէնցուցած էր: Սակայն, հիմա, սենեակները ամբողջապէս իջած են, թէեւ պարիսպին քիթը խոռած չէ. իսկ գեղակերտ չքեղ եկեղեցին՝ անվկանդ կը կենայ դեռ: Մօտերս մասնախումբ մը ընտրուեցաւ, որ լքուած հողերը հովուէ: Երուսաղէմի միաբան Նսայի վարդապետ վանահայր դրուած է: Այս վանքին դիրքը հիանալիօրէն բանաստեղծական է: Լայնանիստ լերան մը լերկ կողին նստած, կը նայի Ալիսին, որ հեռուն կը թաւալէ իր ալիքները: Մա տեղ օձի պէս

կ'որոշուի. հայելիի մը նման կը փռուի ան-
դին: Կը դիտէ հեռուի լեռները, որոնք կա-
նանչներ հագած, կամ ճերմակները փաթ-
թուած, ու յաւէտ կապուածիկ շղարշներու
ետեւէն, վեհանոյշ դիցուհիներու նման կը
ժպտի՞ն: Աչք կը պտտցնէ լայնածաւալ դաշ-
տերուն վրայ, որոնք, իրենց հարուստ ծո-
ցին մէջ, կը հիւրասիրեն իր սիրական գե-
ղերը: Գեղացիներու սիրականն է աս վանք,
անանկ որ մինչեւ տասը ժամ հեռու տեղերէ,
Աղտու (1) Ս. Հրեշտակապետի ոտքը կը բե-
րեն, կը յորդեն իրենց թախիժն ու թա-
խանձը:

(1) Ժողովուրդը Յաղթու Ս. Հրեշտակապետ կ'ը-
սէ: Ոմանք կը կարծեն թէ, յաղթած է՝ ու կը նը-
շանակէ հոյ, հոյ: Ատիկա սխալ է: Գովի գե-
ղին անունն է Աղտ (աղի հանք=թուզլա) որուն սե-
ռականը կ'ըլլայ՝ Աղտու: Հետեւապէս՝ Աղտ Ս. Բ
Հրեշտակապետ ըլլալու է շիտակը:



Երկթէ դուռնէն ներս կը մտնեմ :
 Քոր լռութիւն մը կը ախրէ : Դռ-
 նապանը զիս Առաջնորդարան կը
 տանի , ուր Կաթիրացի Բարեկամ-
 ներս՝ բառբառելով կը ճաշակէին . . . Երա-
 նոս աղային ուլը , ուրկէ ինծի՝ ալ բաժին
 կը հանեն : Կը զուարճանանք : Անո՛ւշ ըո-
 պէներ : Պահ մը ետք , պատուհանը կ'ելլեմ :
 Իրիկնամուտի կիսաշէկ աղօտ թելերը , վա-
 րանոտ ծփանքով մը , վար կը ցանցնուին :
 Դուրսի անօսը մութը , ներս սահելով , իր
 բեհեզէ փէշերը կը քսուըռտէ սենեակի յա-
 տակին ճերմակ մերկութեանը վրայ : Գորշ
 նշոյլներու թախծոտ տարտամութիւնը՝ կը
 գրկուի նիհար ստուերներու դանդաղ ա-
 ճումին հետ : Ծառերուն թուխ կանանչէն
 կը կախուին՝ հետզհետէ խտացող սեին ծը-
 ւէնները : Ու աս մեղանուշ աղւորութիւննե-
 րուն վերեւ , ծաւալուն ծաւի ծածկը՝ կը

ծաղկոտի ծածանուտ փթթումներովը լուսաւորներուն : Լուսաշուի լսւնական ալ, վերէն կանթեղ կախուած, իր ձիւն չողերուն հմայքը վար կը շարմաղէ : Բակը կ'իջնենք, ուխտաւորները ծայր տուեր են արդէն : Կուգա՛ն : Մի՛նչեւ լոյս կուգան : Հոս ու հոն պճլաացող ճրագի նետերը՝ գիշերուան լայն շղարշը կը ծակծկեն : Վանքը ոգեւորուած է ա՛լ : Տքթ. Պայընտրի հետ, հսկայ խարոյկ մը կը սարքենք : ատրուշա՛ն մը : Ու բոցերը կը պարեն օդին մէջ : Շեփորը ձայն կուտայ : Երիտասարդն ու հալւոր, հարուստն ու աղքատ, դարգացածն ու գեղջուկ, քաղքցին ու լեռնցին, ամէ՛նքը ուրախութեան ելեք-տրագումին մէջ շողիացած, ձեռք ձեռքի, անհուն բոլորապարը կը սկսին՝ խարոյկին շուրջ : Հուրիներն ալ, անդին, ուրիշ հուրի մը բոլորտիքը կը դառնան արբշի՛ռ, խելայե՛ղ : Յոգնիլ չիկայ : Հոգիները չե՛ն յագենար : Շրջանակը մի՛շտ կը լայննայ : Խաղերը իրար կը խաչաձեւեն : Ձայները չե՛ն մարի : Գիշերը գոյութիւն չունի ա՛լ : Հիացի՛կ ու գինո՛վ, մտիկ կ'ընեմ : Գեղջկական սիրային տաղերուն մէջ, իրենց հոգին է որ կը ցոլայ :

Կեանքիս մէջ, չեմ յիշեր գիշեր մը, որ աւելի՛ կենսալիբ, աւելի՛ լայն, աւելի՛ մեծ, աւելի՛ հոմերական ըլլայ, քան աս ճեմակ

գիշերը, դուր հանդարտ մը կը վայելեմ սա՛րնդարձակ բարձրութեան վրայ, երկնքին տ'սքան մօտիկ, քաղքէն ալ ա'յնքան հեռա՛ւ... :

Կոջնակի սիրահունչ ձայնը կը գուժէ՛ պղզը, որ ձերմկութիւններու մէջ կը նազի: Պայրը՛նը միտքս կուգայ. « Ու ես ասե՛ցի ատ լոյսը »: Եկեղեցին ենք:

Հիմա՛կ ալ, կրօնական բանաստեղծութիւնները կ'ըմբռնեն, որոնք տրամանուչ հա՛մ մը ունին: Բրիտանեթութիւնը՝ Թախժոտ հե՛ւք մը դուռ մեր արեւո՛տ քնարերգութեան վրայ: Շարականները՝ խանդոտ ու բարձր բանաստեղծութիւններ են, որոնց վրայ մեր Շնորհալիներուն լայն հաւատքին տա՛ք շունչը կը սաւառնի: Թէեւ եղանակները, հետզհետէ, կը կորսնցնեն իրենց բռնատոհմիկ հեռքը, քմահաճ երաժիշտներու երա՛շտ բերնին մէջ⁽¹⁾: Եկեղեցին ասեղ ձըգելիք տեղ չիկայ: Տ. Սահակ վարդ. Օտապաշեան՝ սիրուն ու սահուն լեզուով, մանաւանդ հասկնալի բացատրութիւններով, Վարդապետի վրո՛յ կը խօսի: Երանի՛ Թէ, դուր-

(1) Աս կողմերը, մեծ համբաւ հասնած է Յակոբ էֆ. Մէսիանեան: Ասիկա որքան անուշ ծայն ունի, ա'յնքան մըն ալ ընտիր ու բնատոհմիկ եղանակներ գիտէ: Սովազցիները մեծ ու պզտիկ, կը յիշեն իր եղանակները, ու կը գնահատեն անկեղծօրէն:

սը, բաց օդին մէջ քարոզէր, որ ամէնքն
ալ լսէի, ծծէի՝ն՝ երիտասարդ Ֆրժաշակա-
նին ատ անո՛ւշ բանախօսութիւնը: Ա՛լ դուրս
կը նետուիմ:

Տօն ու տուրք՝ լեզուական առնչութիւն
ունին: Ժողովուրդը, բանասէրի մը պէս,
գիտէ ատ բանը: Հետեւապէս, իւրաքան-
չիւր տօնի, սիրայօժար կը բերէ իր տուրքը,
ցորեն, գարի, գառնուկ, ուլ, երինջ, ի՛նչ
որ ունի: Հայր՝ գերազանցապէս բուխսիրտ,
ողորմած ու կրօնասէր է:


Ճաշելս ու դուրս ցատկելո՛ւ՝ վայրկեանի
գործ կ'ըլլայ: Սար ու ձոր մարդ կտրիւր են:
Ծովու մը ալիքներուն պէս կը տատանի աժ-
բոխը, որու դէմքին վրայ կը խաղայ ոււ-
տաւորի յո՛րդ ճառագայթումը: Ուրախու-
թիւնները սկսած են արդէն: Ձայները կը
ցատկաւեն օդին մէջ: Արմոնիկ կը թրթը-
ռայ ծառերուն տակ, ուր, խումբ մը երի-
տասարդներ, սեւ կալօնին շուրջը բոլորած,
կեանքի ջուրը (.) կը ծծեն: Ժայռերուն
մօտիկ, կարգ մը տղաքներ կը զուարճանան,
որուցմէ մէկը, սազը դիրկը, ձեռքն ական-
ջին, մանի մը կը փարատէ: Խաչբլուրի վերե-
նստած, պառաւները կը խօսուրուտեն Ս-
Գոհարինէի վրայ: Կանանչուկ լաճեր՝ սը-
րունքներնուն ուժը կը փորձեն: Օձ ու բոց
պզտիկներ, ջուր կը սրսկեն անցնողին վը-

բայ : Երկու կարիճներ իրար հիւսուած ,
կ'ըմբռնամարտին , լայն շրջանակի մը մէջ :
Սրմայ մազերով , կամար յօնքերով , վառ
վառ աչքերով , խնճոր երեսով , ծիրան
շուրթներով , շուշան կուրծքերով , բարտի
հասակով հարսներ ու աղջիկներ , ծամկալը
ծուռ մը դրած ճակտնուն , լուսադրիւնն ի
վեր թուռ կուգան նազեկաճէմ :

Ու մէջտեղը համայնական պարը կ'եռայ :
Ծերունիներ ու երիտասարդներ , ծանօթ-
ներ ու անծանօթներ , հսկայ օղակ մը կազ-
մած , փողի ձայնով , մէջքակոտոր , ծնկա-
ծալիկ , գլխաշարժիկ , ոտնատրոփ , ետեւ-
առիկ կը պարեն ու կը կայթեն :

Դաշտային այս խնջոյքն ու հաճոյք՝ կը
շարունակուին մի'նչեւ իրիկուն , մի'նչեւ լոյս ,
երկո՛ւ օր ամբողջ : Ու ես , տեղէ տեղ ցատ-
կելով , բարձունքէ բարձունք թառելով ,
պատկերները կ'առնեմ՝ ընտիր ֆօտօնովը
աչքի՛ս :





Վանքերու (1) շուրջ կատարուած
սոյն սովորութիւններն ու ուրա-
խութիւններ՝ հեթանոսական դա-
քերու կրօնական յիշատակները
կ'արթնցնեն որաիս մէջ։ Ու, կոնա-
կըս ծառի մը տուած, երեւակա-
յութեանս նուրբ շղարշին մէջէն,
կը նայիմ հեռուի լեռներուն, ուր, դարեր

(1) Վանք կամ Վան կը նշանակէ օթեւան։ Բը-
րիստոնէութենէ ալ առաջ զոյութիւն ունէին վան-
քերը, որոնց մէջ գտնուած աստուածութիւնները կը
կոչուէին Էփօփ, կամ Էփօ, այսինքն՝ հիւրընկա-
լութիւն տուող։ Բրիստոնէութեան ատեն, վանքերը
աւելի՛ շատցած են։ Պատմութիւնը կ'ըսէ թէ, 2000է
աւելի վանքեր ու ձեռնաստաններ ունեցած ենք։ Հա-
ւանական է որ չափազանցութիւն եղած ըլլայ ա-
տիկա։ Հաստատուած է սակայն որ 500 մը վանքեր
զոյութիւն ունեցած են, որոնցմէ ոմանք անհետա-
ցած, մէկ մասը կիսափուլ, շատերն ալ կանգուն են
դեռ։ Թուրքիոյ մէջ ունինք 280էն աւելի վանք,
Ռուսիոյ մէջ՝ 150 ու Պարսկաստանի մէջ 3։ Շատե-

Իսկ Դէմէտրէին կ'ընծայէին որաներ ու խըն-
ձորներ (1)։ Քրմապետը, բազկատարած կը
խնդրէր Անահիտէն՝ իր ժողովուրդին հա-
մար, զգաստութիւն է ու խաղաղութիւն։
Աստղիկէն՝ ամուսնացեալներուն համար սէր
ու հաւատարմութիւն։ Դէմէտրէն՝ դաշ-
տերուն համար առատութիւն ու պահպա-
նութիւն։ Հիմա, քրիստոնեայ Վարդապա-
ռին մեծ աղօթողը (2) սոյն այս բաները ՆՈՅ-
ՆՈՒԹԵԱՄԲ չը՞ հայցեր Գերագոյն էակէն։
Կուռքերու արձանները կործանեցան, բայց
կրօնական զգացումները կանգո՞ւն մնացին,
կրօնքը փոխուեցաւ, սակայն սովորութիւն-
ները ապրեցան, ու, փոխանակ մէկ վայրի
մէջ սահմանափակուելու, տարածուեցա՞ն ա-

(1) Մինչեւ հիմա, շատ տեղեր, Վարդապառին
խորանը կը զարդարեն «-ներով ու խններով, մա-
նաւանդ գեղերու մէջ։ Ասկէ զատ, քանի մը զա-
ւառներու մէջ, խնձորի պահք կը պահեն, այսինքն
մինչեւ Վարդապառ խնձոր չեն ուտեր։ Պառաւնեքը՝
կ'ըսեն թէ, ատկէ առաջ խնձոր ուտողին ակռաները
փտուկ կ'ըլլան։ Դ-Դ-Դ-Դ-Դ կը տնօրինէ եղեր
ատ պատուհասը։ Դամէօտ անունը շատ փնտռեցի
բոսնասէրներու գործերուն մէջ, սակայն չկրցայ զըտ-
նել։ Արդեօք Դէմէտրէի՝ արմտիքի դիցուհիին մէկ
աղաւաղումն է։

(2) Աղօթք վասն Այլակերպութեան՝ եղիշէ վար-
դապետի, կամ Ոսկերեքանի՝ նորագոյն ծանօթու-
թիւններու համաձայն։

մէն դիւ Մեր բանաստեղծ Հայրապետներ՝
չկրցան զսպել ան կրօնական աւիւնը, որ,
տարտամ դարերու ընդմէջէն, կը հոսէր ու
կը հասնէր իրենց երակներուն մէջ, Հետե-
ւապէս, շատ հեղ ու շատ տեղեր, իրենց
բանաստեղծութիւններուն՝ շարահաններու,
տաղերու, ճառերու եւ աղօթքներու մէջ,
նմանութիւններ ու ակնարկութիւններ ըրին
արեգակին ⁽¹⁾, լուսինին ու աստղերուն, ու-
րոնք ոգեպաշտութեան ⁽²⁾ վերջին փուլերը
կը ներկայացնեն:

(1) Հին Հայերը՝ արեւն ու լուսինը կ'ընդու-
նէին իւր քոյր ու եղբայր աստուածներ: — Արե-
գակի երկրպագութիւնն իւր արմատ ձգած է մեր
մէջ, Կ'ազօթենք դէպ ի արեւելք, Եկեղեցիները կը
շինուին դէպ ի արեւելք, կը պառկինք դէպ ի ա-
րեւելք, ու ... կը թաղուինք դէպ ի արեւելք:
Երբեմն, տուներու մէջ կը պառկին դէպ ի արեւ-
մուտք՝ հնազանդած ըլլալու համար հ-թ, որ կը
ներկայացնէ Արհմը՝ սատանան: Ու ատիկա կ'ընեն
չպատահասութեւ, չտանջուելու հաւատքով: Եկե-
ղեցիին մէջ ալ իր հետքը թողուցած է սա սովո-
րութիւն: « Հրաժարիմք ի սատանայէ (արեւմուտք
կը դառնան) եւ դառնամք ի լոյս աստուածգիտու-
թեան (կը դառնան դէպի արեւելք) »: Լուսինն ալ
պաշտուած է: Մինչեւ հիմա, երբ պգտիկները ձեռ-
քով ցոյց տան լուսինը, պառաւները անմիջապէս
կը հրամայեն որ մատներին խածնեն, որպէս զի
չպատժուին Լ-ի, Պ-ի:

(2) Մինչեւ Աստուածածին խաղող չուտելու:

Հեթանոսութեան օրերուն, վանքերը կը բնակէին քուրմեր ու քրմուհիներ՝ իրենց մասնաւոր կուռքերուն հետ: Վանքերը հըստ իստոյնեանալի ետքն ալ, պահեցին անուններն ու հին կրօնքէն ինչ ինչ հետքեր: Ղորոնք միջանկեւաբար, համառօտակի պիտի յիշատակեմ:

Հեթանոս հայերուն հին կրօնքին⁽¹⁾ հիւսկամ խաղողի պահրը պահելու սովորութիւնը՝ ոգեպաշտութեան մէկ հետքն է: Աս մասին, սո՛ւ աւանդութիւնը լսուած է Երզնկայի գեղերուն մէջ: Սր մը հայր Աբրահամու տունը հիւր կ'իջնէ Աստուած: Աբրահամ, իր ունիւրը պատուելու համար, որմ մը (հորթ) կը մորթէ: Միսը ուտելէ վերջ, ոսկորները կը Թաղեն: Իրիկունը կովը կուգայ, ու բառաչելով՝ որթը կը փնտռէ: Աստուած ալ գնալով անասունին վրայ, կը հրամայէ որ ոսկորները բերեն: Ու նորէն որթը կը ստեղծէ: Մակայն, մէկ ոսկորը անուշադրութեամբ դուրսը մնացած ըլլալուն, կը պատուիրէ Աստուած, որ տնկին: Ու... «բարեկէ» կը բուսնի: Ահա՛ աս հրաշքին համար, Աբրահամ հրամայած է խաղողի պահրը պահել, որ կը տեսէ մինչեւ Տիրամօր տօնը:

(1) Մեր նախկին կրօնքին վրայ կցկտուր տեղեկութիւններ միայն տուած են Ազաթանգեղոս, Զենոբ Փաւստոս, ու Խորենացի: Մեր մեհենական մատենագրութիւնը auto-da-féի զոհուած է եկեղեցական հայրերու կողմէ: Ո՛վ գիտէ ո՞րքան հրաշակերտներ պիտի ունենայինք՝ զիւցնազական երգերու, դիցավէպերու եւ աղօթքներու հաւաքածոներու մէջ, թէ որ այրած չըլլային: Ես կը կարծեմ թէ օտար գրերով ու մայրենի լեզուով մատենագրութիւն

քեւ քարերը շրջումէ բաքերը շրջում անցնելով,
կ'ըսուի թէ, ԵՐԿԱՍՏՈՒԱՄՈՒԹԻՒՆԸ եղաւ:
Ջէնտ-Ավիատառ ու վէտա՝ տա կրօնքին վար-
դապետութեան աղբիւրները եղան: Ոգե-
աբաշտութեան բոլոր փուլերը երեւցած
են՝ մեր մէջ: Երկրորդ փուլին մէջ կը յիշ-
ուին երկինքի, աստղերուն, արեւուն, լուս-
նին, կրակին, բարի ու չար ոգիներուն եւ

մը ունենալէ զատ, ունեցած ենք նաեւ հոգե-
գիւղի գիւղացիներն է: Դիւանաւորացի եւ ուրիշ
մանր մունր յիշատակութիւններ՝ ըսածիս ապացոյց-
ները չե՞ն կրնար ըլլալ:

Մեհենագրերու կորսուելուն համար, մեր Հի-
ստիոն վրայ լիակատար տեղեկութիւններ չի կան:
Հայ բանասէրները՝ պատմիչներու միջոցով հասած
սակաւաթիւ տեղեկութիւնները ու ժողովուրդին հո-
գիին, սրտին, միտքին մէջ անջնջելի մնացած հետ-
քերը համեմատելով Արիական կրօնքին հետ, ու-
նեցած են Հոգեգիւղացիներն է: Մ. Է-
մին ու Ն. Ալիշան, մասնաւոր խնամքով մը, զրաւոր
ու անգիր դպրութեան մէջ ինչ որ կայ հին կրօնքին
մասին՝ հաւաքած ու հատորներու մէջ ամփոփած
են: Գրսուի թէ, մեր էն կարող բանասէրներէն մէկը
Դուրեան եղիշէ Սրբազանն ալ պատրաստած է հա-
տոր մը, որ, եթէ հրատարակուի, պիտի կրնայ նոր
լոյսեր սփռել աս կարեւոր խնդիրին վրայ: Դ. Խաչ-
կոնց ալ, աս մասին ուսումնասիրութիւն մը հրա-
տարակած է: Դեռ կան ուրիշ փորձ բանասէրներ,
որոնք միշտ նոր յայտնութիւններ կ'ընծայեն՝ մեր
Հին հաւատքին վրայ:

ապոնցմէ պատճառուած քանի՜ մը հիւանդու-
 րիւններու պաշտամունքը: Իսկ առաջին փու-
 լին մէջ կը դասաւորուին՝ կենդանիներու,
 ծառերու, փայտերու եւ ջուրի պաշտամունքը,
 որոնց հետքերը բացարձակապէս մնացած
 են մեր վանքերուն շուրջ:





նչպէս շատ ցեղերու,
անանկ ալ Հայերու մէջ
պաշտուած գլխաւոր կենդանի-
ներն են, օձ, առիւծ, ինձ, կո-
րիւն, խոյ, շուն, կասու, մուկ,
անձեղ, անգղ, Լայլն, Եւայլն:
Սըվազի թեմին մէջ կայ Դեւ-օձան վանքը,
Վանի թեմին մէջ՝ Առլեզի և Անգղի վան-
քերը, Եւայլն: Ասոնք իրենց հին աւանդու-
թիւններն ու նիւթաւոր հետքերն ունին,
որոնք կը մատնեն Հայերուն երբեմնի ԿԵՆ-
ԴԱՆԱՊԱՇՏՈՒԹԻՒՆԸ ⁽¹⁾: Պիթլիղի լեռնային

(1) Ռամիկը տունին օձը չի սպաններ, պահա-
պան է, կ'ըսէ: Առջեւը կաթ կը դնէ որ ուտէ, ու
կ'աղաչէ որ երթայ ասկէ: Օձսպաշտութեան նշան
կը համարուի շատ մը տեղերու անոնց անունով
յիշուիլը, ինչպէս՝ օյտււ, օյ-բեդ, օյէ բեդ, օյ-տ-լու,
վեղ-տ-լու: Մեծ օձը, հայ երեւակայութեան մէջ
վիշապ կոչուած է: Ասիկա կը պաշտուէր: Եզնիկ ա-
ւանդած է իր եղ-լուդ, զրքին մէջ: Քանի մը

սրբավայրերը ունին Սօսիի պուրակներ, որոնց ճիւղերէն քուրջեր կը կախեն: Երզնկայի Ս. Կիրակոս վանքն ունի Բարսի մը, որուն բոլորտիքը խելագարը պտըտելով՝ կը բժշկուի, կ'ըսեն: Գառնիկ ճգնաւորին Գիհիի ծառէն թէ որ ճիւղ մը փրցուի, արիւն կը վազէ եղեր, ու կարողը՝ գրողը

յատուկ անուններ, կը կարծուի թէ, կենդանիներու պաշտամունքէն ծագած են, ինչպէս՝ Աւետ, Կրօն, Ընթիւ, եւայլն: Յովհ. Իմաստասէր ու Ներսէս Շնորհալի Կաթողիկոսները կը յիշեն թէ կատուին հաւատը կ'ընծայէին հայերը: Պառաւնները սանկ բացատրութիւն մը կ'աւանդեն: Յիսուս, դուռէ դուռ մուրացած պահուն կը տեսնէ որ մուկները տունին մէջ Գիւր կը խաղան, ուստի շուտ մը Խաչկինակը հանելով կը նետէ մէջերնին, ու . . . կատուն կ'ըստեղծուի այսպէս: — Ղազար Ջահկեցի կաթողիկոսը կը զգուշացնէր հայերը՝ Գրգռ կատարելէ: Կիները դեռ կը հաւատան թէ, մուկները իրենց լաթերը չեն կտրտեր, թէ որ Գրգռ Կրօնի պահեն, այսինքն բան չբանին: — Շունն ալ պաշտուած է: Վանի մէջ, մեծ պահրի առաջի շաքճուան Ուր. օրը՝ Կրօն լաթիւն նուիրուած է: Առլէզ ու շուն՝ կը նոյնացնեն ոմանք: — Հայաբնակ քանի մը տեղերու մէջ ճամբորդութեան ատեն, ուշադրութիւն կ'ընեն Կրօն մը կամ Կրօն մը ճախրելուն կամ կարկաջելուն: Թէ որ մէկ հեղ կարկաջէ՝ անյաջողութիւն կ'ենթադրուի. եթէ երեք անգամ կարկաջէ՝ յաջողութիւն կը Խաչկինակուի: — Պառաւնները կ'ըսեն թէ, ով որ մըջիւն մը սատկեցնէ, դատաստանին օրը, ժկոյթ մատովը ծամ մը պիտի շինէ:

կը տանի: Վանի Ականց Ս. Գէորգ վանքն
Հացի ծառերը՝ հրաշք գործելու զօրութիւնը
ունին, կը կտրծուի, ատոր համար խառնկ
կը ծխեն շուրջը ու տերեւներովը կը լուսոյ-
նէին: Ասոնք հայերուն ՍԱՌԱՊԱՆՆԵՐՆԵՐ(1)

(1) Արմաւիրի Սոփոյ տաճարէ պատգամատեղի
էր: տերեւներու մեղմ կամ սաստիկ սոսափիւնէն
հայտնութիւններ կը հանէին, ինչպէս որ կը յիշեն
Խորենացի ու Յովհ. Կաթողիկոս: Միջագէտքի Շա-
մոշատ քաղաքին մէջ, Արեւորդիք կոչուած հայ ա-
ղանդաւորները՝ Բարդէ կը պաշտէին: Ասոնք զգու-
շացնելու համար, յատուկ թուղթ գրած է Շնորհալին
(Ընդհանրական, 225): Աւանդութիւն մը կար թէ Յի-
սուսի խաչին փայտը՝ Բարդէ ծառն էր:

Սոփ, Բարդէ, Էֆէ՛ նուիրական ծառերէ վերջ,
սուրբ համարուած են Լուսի, Էֆեսոս, հաճախէ բոյ-
սնին այլ:

Հոշոակը՝ (մանրագոր, մարդատունկ, մարդա-
խոտ, մարդածաղիկ) զազանները եւ սողունները կե-
ցնելու զօրութիւնը ունի, կ'ըսեն: Ալեքսանդր Թա-
գաւորը, իբր թէ, ատով շատ զործ տեսած ըլլայ:
Հոշոակը կը հանեն, երբ Հրատ մուրակը՝ Խոյ կամ
Այծեղջիւր աստեղատունին մէջ գտնուի: Օքը Գշ-
քաւոր է: Արեւը ցածած ատեն, ասոր բոլորտիքը
կը փորեն, երբ առկախ մնայ, չուան մը կ'առնեն
աթուն մէկ ծայրը քաղցած շունի մը վզին ու միւս
ծայրը լոշտակին կապելով կը փախչին: Կ'ըսուի թէ,
շունը կը սատկի, բոյսը հանելէ ետք: Ասիկա դեղ
ալ է: « Մանրագորն եթէ որ լոկ ուտիցէ՝ սատակից
է, եւ խառնեալ ընդ այլ արմատս՝ քնածու լինի
քնահատաց »: Եղծ աղանդոց Ա. ԺԵ:

բացորոշ նշաններ չեն կրնար ըլլալ: Էր-
գինկեան Ս. Լուսաւորիչ վանքին քովի Բա-
րին Համար կ'ըսուի թէ, եկեղեցին շինեալ
ատեն, Ս. Տրդատ՝ ձանձրանալով Ս. Լու-
սաւորչի մշտամրմունջ աղօթքներէն, դիտո-
ղութիւն կ'ընէ: Սուրբը կը դադրեցնէ ա-
ղօթքը, սակայն Տրդատ կ'ընդունէ տեղէն չի
կրնար շարժիլ, ու քարը վար կ'իյնայ՝ կըռ-
նակիմ հետք վրան: Վանայ գաւառին Ս.
Աստուածածին վանքին մէջ, փորուած՝ Բարե-
սեղան մը կայ, ուրկէ անընդհատ իւր մը
կը կաթէ, կ'ըսեն, որ հիւանդին բժշկու-
թիւն կուտայ: Սըվազի Ս. Խնդրակատար
վանքի կուշտը պայտաւ մը կայ, Ս. Գէորգի
ծիռն ոտի հետք, որ խելագարները կը
բժշկէ: Էրզրումի Խաչկայ վանքի գերեզ-
մանատան մէջ խոյ-Բարեք կան, որոնց վրայ
հիւանդները կը կարդացունեն, ու . . . կ'ա-

Փենունան (Խաչափայտ, քահանայատակ) « Եթէ
կտրես՝ մէջն գէտ խաչ է »: Ասիկա հանելու ատեն
աղօթք կ'ընեն: Աւետարան կը կարդան: Փենունան
դիւահալած զօրութիւն ունի, կ'ըսեն: Կարգացող-
ները՝ սակէ կտոր մը դնելով հայիկ մը մէջ, կուտա-
յին հիւանդներու, ծամբորդներու, ըմբիշներու,
մարտիկներու եւ սիրահարներու: Համապարմին (հա-
մասփիւռ) գաղափարը կը յայտնէ Մխիթար Հերացի
բժիշկը: Խնդրողներուն՝ զիշերը աւելի պայծառ կ'ե-
րեւայ եղեր: Արեւիք, Արեւմտեան եւ ուրիշ քանի
մը քոյսեր՝ դիցաբանական հետք մը կը կրեն:

դէկտեմբերին Երևանի չէ՞ խորհիլ թէ, ասանք մեր ԳԱՐԱՊԱՇՏՈՒԹԵԱՆ (1) միացորդ-

(1) Շատ մը հրաշագործ քարեր կան : Օր-
 փութ, որուն վրայ կարդալ կուտան զիշերը չքնացող
 երախաները : Կ-ր-ր-ր-ր-ր՝ չարամեծի տղաքը ասոր
 ոտքը կը բերեն քայելով , որ խեղուծիւննին անց-
 նի : Ե-ր-ր-ր-ր, մազերնին կաթմ աղջնակները՝ ասոր
 վրայ կը կարդացուին : Ե-ր-ր-ր, որուն մէջէն կ'անց-
 նեն հիւանդկախ մանջուկները, ըսելով « Ա՛գ կամ
 տո՛ւր » : Դ-ր-ր-ր, ասոր վրայ կը պառկեցնեն խեն-
 թեցողները, որպէս զի խելօքնա՛ն : Թ-ր-ր-ր-ր-ր-ր, Լաս
 քարին բովէն վազող ջուրով կը լողցնեն կամ գէթ
 երեսը կը լուան ան հիւանդներուն որոնց հիւան-
 դութեան տեսակը ճանչցուած չէ : Հայերու քարա-
 պաշտութեան վրայ գրած է Ազաթանգեղոս :

Խաչքարերը՝ գրեթե ամեն տեղ կը գտնուին։ Աստուծո Բրիստոնէութենէ շատ առաջ գոյութիւն ունէին։ Կռապաշտութեան Յուսկանին, խաչքարը՝ ուղեցոյցի տեղ կը ծառայէր։ Ձորս փողոցներ իրար կտրած տեղը կը կանգնէին, ու վրան կը նշանակէին երկու աջ ու երկու ձախ փողոցներու անունները։ Խաչքարը, Յինաստանի մէջ բարձրագոյն պաշտամունքին նուիրուած էր։ Հիւսիսային Ասիոյ ու Ամերիկայի քանի մը տեղերէն գտնուած են խաչածեւ մեծ քարեր, կրօնք կը պաշտուէին ատ կողմերու հին բնակիչներէն։ Դիցաբանական շատ մը չաստուածութիւններ՝ ատ ձեւը ունեցած են։ Յունաստանի մէջ։ Խաչքարը, Եգիպտոսի մէջ, Նեղոսի բանալին կը սեպուէր, ուստի, կը պաշտուէր։ Իբր բարերար պատճառը ատ երկրին պտղաբերութեան։ Միջրայի, ասորիներ Գարսիկներու Արեւ-Աստուածին քահանաները՝ իրենց ներածեալներու ճակտին վրայ

Վերջապէս ՎԱՐԴԱՎԱՌՆ ալ հրապաշտութեան փառաւոր տօնն է, հիմա՛ քրիստոնէացած, զոր, այսօր, սա՛ վճիտ օդին մէջ, ծաւի երկինքին տակ, անհուն բարձրութեան մը վրայ, հողեխնձիղ ուխտաւոր-ձեռքու հետ. Կո՛ւշտ մը կը վայելե՛մ, ա՛լ փակելով « Պատկերներ » ուս ալպօմը :

կամ կ'աղէկնայ. Մայրը, մոմեր առած ձեռքը գետին եզերքը կը պտըտի՝ ըսելով. « Եթէ բուկինն է՝ քեզի, իսկ եթէ իմինն է՝ լեցուր տուր »: Ետքը մոմօրը վանքի մը կամ եկեղեցիի մը խորանին առջեւ կը վառէ՝ սիրականին արեւուն (Սէ որջ է) կամ հոգիին (Սէ մեռած է) համար: Ասոնք ու ասոնց պէս շատ մը սովորոյթներ ջրապաշտութիւնէ մնացած են բացարժակապէս :



